

WSBAK TSALÀ SAGHIQHI 13, 2023

KUPUKUNO KÜXÜ
John 10:10

AKÜPÜGHÜ PEKIKITHI

Alakhü Kipeu: **Akhemi**
Akiyeu:

Hukuthu Kighini:

Aqole (*Akikhi 396*):

Jisü Je O Gholo Pelo

Khokichile Kiphi (*Akikihi 14*):

Khristomi Küqhakulu

Akümlagho eno Akighini:

Ghushoghili:

WSBAK Ghili

(*Akiye lono tsüpuwu puakeu ghushoghili lono shikipiye shini*)

WSBAK Ghenguno Inikhuni:

Akighini kimiji tsüpuakeqo

Akimichile:

Bible Kiphi:

Alhou Shepe: **Kupukuno Küxü**

Kishekha Kighini:

AKIGHINI KIMIJI:

1. WSBK hukuthumi eno pano kibo qo ghenguno.
2. Ishi Akukuhou 178 akeqo lo küpülümi qo ghenguno kükümgha kighini.
3. WSBK qholo, ashi aghungu lo sakiphemi qo ghenguno.
4. WSBK ampe 75 Jubilee pinive keu shikimithi Alhou tsü eno Jubilee vechewo tiqhelimi qo shou akighithi alokütsü kükümgha alau heshelu penikeu ghenguno.
5. Kulolau Sümi yeghilo; aluche, pichepi ghi jeli, tüxatini jeli vilu penike.
6. WSBK Staff eno apha jeli qo ghenguno.
7. Sponsor kukuhou/alimi-alagha/akibo eno lüthü qo ghenguno.
8. Platinum College kighithe pekithilu penikeu ghenguno.
9. Tiqheli lhoküsa hipau lo, Alhou no aghükishi eno aji kuqo launo ni yeghi eno niw timi süsho tsü penike.

HI NO WSBAK KE



WSBAK XUGHILI

1908 ghuloki lo J. C. Burnes no Kohima lo Deputy Commissioner shi ake lono Nagami aqa yeghi lo phuthewo nishi kemi ye wolu penikeu jokucho zà tsüke. Asü Kiyezü no atüghüu shino Sümiqo no ashepe lukelo Tsüngumi no tüghami, ashi kixi aghau kixi kümsà launo qhiveno pove keu-a kümsà akeu lo Sümi pelo aphu shipenike ashepe (permit) tsüke.

Western Sümi yeghilo 1911 lono huthu no 1926 kuto lo aphu shi ighi kemi akichiu lono jisho ghola lono aphu shi kehu akukuhou tsa ye kühano ighi ke ikemu ayè luve kemi Sümi Kukidolong lo khami acheghi keu ithulu ani.

Western Sümiqo ye 1947 kutolo Tsüngumi Chakhroma (Alaqhumi) gholo kuho küqha ighike, ikemu Britishmi no aqhalo shiayè kümtsü pütüta shiayè phuwu velo pi azà shive keu ghenguno 1947 Zhuikhü phulo Chakhroma Hoba kuho ake lono Western Sümi ye hinguno hilau ye ni kütashi kuhowu veni ipi xathave.

Western Sümi yeghi lo ni kütashi kuho tüghüu shi Saghiqhi 8-10, 1947 Sakipheto School Khehoyi lono aphu 10 lono timi 70 ighi eno Sakipheto Schoolmi eno Khehoyi no ghami küqha kelo timi 200 shou ighino “Ichhe-ime Chekemi Chipiu Phuju Tsü Nani” *Isaiah 11: 4-6* no atsato shino kuho. Hipau kiqu lono Saghiqhi Tughakhani akiniu pesü WSBK Tsalà shino ikhilu ighi ani. (2017 lono WSBK Council no 1947 lo C. E. ipino kuholu keu mpe pesü WSBK hukuthu mpe shiveni ipi xakütha shikeu vechewo 2022 lono Platinum Jubilee pini luva)

1947 lono 1958 kutolo Küqhakulu züqhushi, Christian Endeavour (C. E.) ipi no kuho ighi. 1947 lono Saghemi phu lo SBK Hoba kuho ake lono Western Sümi ghi aqo aho lakhi shini ipi no Kipelau Sümi gholo küqhave, ikemu jusü kile khamlave keu lono, 1959 Pherima (Sakipheto) lo kuho kelono **WESTERN SÜMI BAPTIST KÜQHAKULU** ipi no huthuve. Hipau mpe kikihi lono 1983 lo Silver Jubilee kuho eno 2008 lono Golden Jubilee kuholuke.

1962 Satami phu lo SBK hoba kuho ake lono Western Sümi pelo **SÜMI BAPTIST AKUKUHOÜ KÜQHAKULU LOKA (SBAKL)** ipino kuholu penikeu shi xakütha shirtsü no 1962 lono 1979 kutolo SBK gholo kuho ache kemu ishi toimoke aghüzüla no bidive, Alhou tsa chilu nishi anamu SBK hoho kümtsü wukhamlave keu ghenguno ni küta shiveni ipi xakütha shiluve.

1980 Ghileqhi lono WSBK pesü NBCC lo kihiküsü shiluve no kuho ighi akeu lo ishi ye NBCC Küqhakulu 22 gholo WSBK ye asachu lakhi shi ani. WSBK lo akukuho 178 ani. Platinum Jubilee kuholu keu jelono College lakhi “Platinum College” ipi kuno 2024 loye khaqhi niye kuto ani. 1911 lono 1980 kutolo ashi, aghaw sasü küpüghü keu likhi kumono aghungu mzü-tüghü ghenguno ghulo bidi pungu apukhu lono alache ime chekeu likhi shiveno Western Sümi yeghi lo Baptist Revival nguno alau ye ayekulu kütau sasü moni, ashi aghungu ipo ixü mono lakhi shini ipi 1981 Nihoto Phu lo kuho no Western Sümi Kükamiqo no xakütha eno Alhou lau pikiqhi shike.

Western Sümi kichi-iti kümtsa atsa lakhi ale lakhi shino atüghümi no kiu mlätsü keno eno Alhou no kishi ni sasü ighitsü keno tile puthugho no ashi-aghungu lakhi shino Alhouw kükümgha ninguw shiluni nolo.